

**Anggota Dan Bekas Tentera Digalak Tulis Buku Ketenteraan
Bernama
Julai 31, 2011**

KUALA LUMPUR, 30 Julai (Bernama) -- Menteri Pertahanan Datuk Seri Dr Ahmad Zahid Hamidi mengalakkan anggota serta bekas tentera menulis pengalaman mereka dan fakta ketenteraan bagi menambah koleksi bahan bacaan ketenteraan.

Beliau berkata hasil tulisan itu perlu dibukukan supaya dapat dijadikan bahan bacaan dan rujukan terutamanya oleh kalangan tentera.

"Mes tentera seluruh negara diharapkan dapat menyediakan buku ini di perpustakaan masing-masing supaya pegawai tentera dapat membaca dan menghayati perjuangan perajurit negara," katanya ketika melancarkan Buku Rejimen Gerak Khas Pasukan Khusus Tentera Darat Malaysia, di sini malam Sabtu.

Turut hadir Yang Dipertua Kelab Veteran Komando Malaysia Hasim Hassan dan Panglima Tentera Darat Jen Datuk Zulkifli Zainal Abidin .

Mengenai buku itu, Ahmad Zahid berkata beliau tertarik dengan kandungannya yang menggunakan bahasa mudah dan dipenuhi dengan gambar-gambar sejarah.

"Saya yakin dan percaya kandungan buku itu sangat signifikan dengan anggota tentera masa kini. Dengan demikian semua anggota tentera kita dapat hayati perjuangan orang-orang lama menentang penganas komunis demi keamanan negara yang kita kecapai sehingga hari ini," katanya.

--BERNAMA

Hakcipta Terpelihara © 2011 BERNAMA

Source: <http://bernama.com/bernama/v5/bm/newsgeneral.php?id=605131>